



## Alþýðusamband Íslands

Tillaga að ályktun 41. þings ASÍ um heilbrigðismál

### Höfnum tvöföldu heilbrigðiskerfi

Þingfulltrúar á 41. þingi Alþýðusambands Íslands krefjast þess að allir landsmenn hafi jafnan, óheftan aðgang að heilbrigðiskerfinu og geti sótt sér nauðsynlega heilbrigðisþjónustu og lyf óháð efnahag og búsetu.

Þingfulltrúar hafna alfarið tvöföldu heilbrigðiskerfi og benda á að nú þegar er sú staða uppi að efnaminna fólk þarf að neita sér um heilbrigðisþjónustu og lyf vegna kostnaðar á meðan þeir efnameiri geta keypt sér forgang og betri þjónustu. Með þessu er rofinn áratuga samfélagsáttmáli um aðgengi allra að heilbrigðisþjónustu.

Heilbrigðiskerfið á að fjármagna úr sameiginlegum sjóðum og nauðsynlegt er að forgangsraða í opinberum rekstri svo öllum verði aftur tryggð heilbrigðisþjónusta í fremstu röð. Til þess þarf m.a. að hefjast nú þegar handa við byggingu á nýju sjúkrahúsi.

Lækka verður tafarlaust beina greiðsluþáttöku einstaklinga í heilbrigðiskerfinu sem er komin út yfir öll þolmörk og eykur fjárhagslega og heilsufarslega misskiptingu.

### Áherslur ASÍ:

- Allir landsmenn hafi jafnan aðgang að bestu fáanlegu heilbrigðisþjónustu
- Kostnaður sjúklinga komi aldrei í veg fyrir að fólk geti sótt sér nauðsynlega heilbrigðisþjónustu, lyf og hjálpartæki.
- Við höfnum alfarið tvöföldu heilbrigðiskerfi

### Verkefni:

- Endurskoða þarf greiðsluþáttökukerfið í heilbrigðisþjónustunni með það að markmiði að setja þak á heilbrigðiskostnað fjölskyldna á hverju 12 mánaða tímabili.
- Til lengri tíma skal stefna að því að heilbrigðisþjónustan verði gjaldfrjáls.
- Efla þarf heilsugæsluna, stytta biðtíma og tryggja öllum heimilislæknini.
- Hefja þegar framkvæmdir við nýtt sjúkrahús